



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Orationes ad sanctos an sint iust[a]e. tit. 221

urn:nbn:de:hbz:466:1-29452

rendi fieri debeant, falsum est. Nam Propheta Sam. 1. Regum. 7. in Masphat præcipit ieiunium, & iubet populum dicere, Peccauimus tibi Domine. & cæc. Et iram Dei placauerunt, & inimicos Philistæos vicerunt. Sic à pœna temporali, id est, bello, & cæc. ieiunauit rex Achab. 3. Reg. 12. cum occidisset Naboth. & cæc. Ieiunat omnis populus, et liberatur ciuitas ab Holoferne, Iud. 4. Et à malo consilio Iudæi Amā, Hester. 4. Et Niniuitæ liberantur Ionæ 3. & c. Ergo ieiunium meritorium est, per quod Deus distribuit & temporalia & æterna beneficia propter Christum, Et Christus Mat. 6. inquit, Patrem reddere mercedem.

Tertiò, omnes penè hæretici ieiunium vilipendebant, Montanus quadragesimam, Arriani præcepta Ecclesiæ de ieiunijs, Iouinianus comedentem & ieiunantem inter se æquabat. Et hæc omnia ante annos mille facta sunt. At Ecclesia Catholica iubet & docet non contemnere ieiunia, etsi neminem etiam infortiorum compellit ad ieiunium, & cæc. Est enim Sabbata nas efficax circa gulam vt homines prosternat, sicut fecit primis parentibus, Genes. 3. Est igitur ieiunium nihil aliud, nisi quædam humiliatio coram Deo, & medium, per quod Christus dicit, Patrem reddere præmium & gratiam Matthæ. 6. Et Christus Marc. 9. dicit hoc genus dæmoniorum expelli ieiunio & oratione, id est, tentationes vehementes sathanæ, & c. Abstinentiæ etiam à quibusdam rebus propter Deum plurimum placent Deo, & habent sua præmia. Vide Iacobi Tit. 225.

ORATIONES AD SAN.

Etos an sint iusta.

TITVLVS CCXXI.

P R I M ò, fiduciam orandi & loquendi cum DEO, ipse CHRISTVS nobis impetrauit, qui iubet petere in nomine suo patrem, Ioan.

Ioannes. 16. Petite, inquit, & accipietis, scilicet, omnia à patre, propter nomen meum. Subindè docet quæ petamus Matthæ. 6. vt nomen Dei sanctificetur, vt sua fiat voluntas, vt suum regnum &cæ. Hæc oratio omnia includit necessaria, & his habitis, gaudiū nostrum plenum erit hic & in futura vita. Sed hæc omnia petere debemus à patre propter nomen suum, & non ob aliud nomen. Sic Ecclesia concludit, per nomen Domini nostri Iesu Christi, & ob nullum aliud nomen: neque dicit, propter nomen B. virginis, Petri, Pauli, &cæ. Tametsi in collectis sit mentio sanctorum, vt ipsi vel pro nobis orant, aut vt D E V S etiam nobis donum suum concedat, sicut illis concessit: attamen omnis conclusio est, per Dominum nostrum Iesum Christum.

Secundò, quamuis orationibus ad sanctos multa sic sonant verba, quasi ipsi dent, quæ petimus, auxiliantur, protegant, defendant, quod ipsi dent remissionem & vitam, bonum finem, temporalia bona, &cætera. Non tamen hic est sensus neque vnquam fuit intentio Ecclesiæ, quod ipsi habent officium DEI, & hoc faciant sua dignitate & virtute, sint nostri saluatores, nullus eorum sanguine suo nos redemit: sed ea dicuntur propter officium intercessionis, vt scilicet nobis auxiliantur sua obsecratione, vt protegant & defendant, suis precibus apud Christum intercedant, vt ille nos custodiat & defendat, &cæ. Sic virginem dicimus vitam, dulcedinem, & spem nostram, &cæ. eo quod genuit mundo CHRISTVM, regem, vitam, & spem nostram. Sic Paulus 1. Thessal. 2. vocat illos spem, gaudium, & coronam glorio- nis suæ, &cæ. Sic etiam Philipp. 4. Sed non sic eos vocat, vt derogat CHRISTO, sed in alium finem, quia Euangelio eos genuit, quatenus per hoc saluentur: sic sunt spes, gaudium, & corona nostra sancti Martyres &cæ.

KKk Tertiò,

Tertiò, Deus habet multa media, per quæ dona sua distribuit, vt per fidem, sacramenta, pia opera, & gratiam: sic etiam per sanctos tanquàm media, & intra commembra sæpè dona sua largitur, sicut sapienter diues per manum alterius, terui aut filij, dat egentem eleemosynã. Et sic rectè orat ecclesia: Domine Deus, da mihi per meam & B. virginis, S. Petri &c. intercessionem hoc vel illud propter nomen Domini nostri Iesu Christi, multum differunt hæ præpositiones, Per & Propter: Ecclesia tamen, non malè faceret, si quædam verba in orationibus sanctorum emendaret, vel propter simplicium fiduciam, aut hereticorum calumniam.

AN DEO VEL SANCTIS

Missam celerabimus.

TITVLVS CCXXII.



SCIENDVM primò, quòd confessoribus, martyribus, Apostolis, B. virginis & cæteris sanctis, non ædificamus templa & ecclesias, sicuti Pagani suis dijs fecerunt: nec erigimus altaria, nec corporum ac sanguinè offerimus, aut illis sacrificamus: sed vni Deo & Domino nostro Iesu Christo offerimus sacrificia laudis & gratiarum actionis, quia sanguinem suum pro nobis fudit in cruce, Matthæ 27. & quia ipse dixit Matthæ 26. Hoc est corpus meum &cæt. Hoc enim Christus facere iussit, Luca 22. Hoc facite in mei commerationem, &cæt. Solum ergò Christi corpus & sanguinem offerimus patri. rogantes vt propter illum nostri dignetur misereri. Hoc autè sacrificiũ alio modo se habet, id est, mysticè, non sanguinolentè, sicut erat in cruce.

Secundò, Memoriam sanctorum, facimus solum in Missa, quæ est de Deo, non de sancto: in collectis & orationibus mentionem de sanctis habemus, quorum